

## MARRËVESHJE

### E BASHKIMIT ME PËRTHITHJE TË SHOQËRIVE TREGTARE “INTERNATIONAL PRIVATE SECURITY IPS” SHPK DHE “BSS” SHPK

Sot në Tiranë më datë 20 tetor 2022, hartohet kjo marrëveshje në kuptim të nenit 216 të ligjit Nr. 9001, datë 14.04.2008 “Për tregtarët dhe shoqëritë tregtare” i ndryshuar, ndërmjet

“INTERNATIONAL PRIVATE SECURITY IPS” shpk, person juridik i themeluar sipas të drejtës shqiptare, i regjistruar në QKB me numër unik identifikimi të subjektit, NIPT L81724027C, me seli në qytetin e Tiranës në adresën Rruga Industriale dytësore, Tiranë - Durrës Km.1, Qendra Pajtoni, Kati 5, Tiranë, i përfaqësuar nga administratori i tij z. Besim Sakajani

Dhe,

“BSS” shpk, person juridik i themeluar sipas të drejtës shqiptare, i regjistruar në QKB me numër unik të identifikimit të subjektit, NIPT L71910025N, me seli në qytetin e Tiranës në adresën Rruga Industriale dytësore, Tiranë - Durrës Km.1, Qendra Pajtoni, Kati 5, Tiranë, i përfaqësuar nga administratori i tij z. Besim Sakajani.

#### 1 - Shoqëritë që marrin pjesë në bashkim.

##### A – Shoqëria e Përthithur:

Shoqëria “BSS” shpk, person juridik i themeluar sipas të drejtës shqiptare, e regjistruar në QKB me këto të dhëna;

- numër unik i identifikimit të subjektit NIPT L71910025N,
- seli- Rruga Industriale dytësore, Tiranë - Durrës Km.1, Qendra Pajtoni, Kati 5, Tiranë,
- e përfaqësuar nga administratori i saj z.Besim Sakajani.
- kapitali: 100 000 (njëqind mijë) lekë,
- numri i kuotave: 2 (dy),
- në përqindje 100 % (njëqind për qind)
- 1(një) kuotë, 50%, vlera nominale 50 000(pesëdhjetë mijë) zotëruar nga z. Shkelzen Shahu.
- 1(një) kuotë, 50%, vlera nominale 50 000(pesëdhjetë mijë) zotëruar nga z. Besim Sakajani.

##### B. – Shoqëria Përthithëse :

Shoqëria “INTERNATIONAL PRIVATE SECURITY IPS” shpk, person juridik i themeluar sipas të drejtës shqiptare, i regjistruar në QKB me këto të dhëna;

- numër unik të identifikimit të subjektit NIPT L81724027C,
- seli- Rruga Industriale dytësore, Tiranë - Durrës Km.1, Qendra Pajtoni, Kati 5, Tiran,
- e përfaqësuar nga administratori i saj z. Besim Sakajani
- kapitali: 100 000 (njëqind mijë) lekë,
- në përqindje 100 % (njëqind për qind)
- numri i kuotave: 4 (katër) kuota, zotëruar si vijon:
- një kuotë, 40%(dyzet%), vlera nominale 40 000 (dyzet) mijë zotëruar nga z.Shkelzen Shahu.
- një kuotë,10%(dhjetë%),vlera nominale 10000(dhjetë)mijë zotëruar nga z.Stefanos Papazois
- një kuotë,10%(dhjetë%),vlera nominale 10000(dhjetë)mijë zotëruar nga z.Asterios Ntoumos
- një kuotë, 40% (dyzet %), vlera nominale 40 000 (dyzet)mijë zotëruar nga z.Besim Sakajani

2 - Motivet dhe qëllimi i bashkimit. Pranimi i palëve për bashkim.

- Qëllimi dhe motivi i bashkimit është menaxhimi më i mirë i aktivitetit ekonomik e financiar, zgjerimi i aktivitetit nëpërmjet përthithjes së aktivitetit të Shoqërisë kontribuese, duke realizuar në këtë mënyrë ulje të kostove për njësi, ulje të shpenzimeve administrative, performancë më të lartë në ofrimin e shërbimeve, përbalimin e konkurrencës në treg dhe për rrjedhojë rezultate më të mira të fitimit.
- Palët janë plotësisht dakort të shkrijnë veprimtarinë e tyre ekonomike (të drejtat e detyrimet) në një shoqëri të vetme, tashmë të pranuar e miratur në këtë projekt bashkimi.
- Të dyja shoqëritë që marin pjesë në këtë proces kanë aktivitet kryesor të njëjtë, atë të *“Ruajtjes dhe sigurimit fizik të objekteve publike dhe private, sigurimit fizik, ruajtja e jetes dhe shëndetit të shtetasve vendas dhe të huaj. Sigurimi fizik, mbrojtja e jetës dhe shëndetit të shtetasve. Ruajtja e objekteve në pronësi ose në përdorim të personave fizik dhe juridik shqiptar ose të huaj, ruajtjen dhe sigurimin e jetës së personave, të vlerave të tyre pasurore gjatë lëvizjes.”*
- Shoqëria përfituese e kontributeve ose Shoqëria përthithëse ruan emrin “INTERNATIONAL PRIVATE SECURITY IPS” SHPK në përfundim të këtij procesi.
- Selia e Shoqërisë përfituese do të jetë në Rruga “Industriale” dytësore, Tiranë - Durrës Km.1, Qendra Pajtoni, Kati 5, Tiranë, e përfaqësuar nga administratori i saj z. Besim Sakajani.
- Të drejtat dhe detyrimet e Shoqërisë së përthithur “BSS“ SHPK do të kalojnë Shoqërisë përthithëse “INTERNATIONAL PRIVATE SECURITY IPS“ SHPK pas përfundimit të operacionit.
- Shoqëria “BSS“ SHPK si shoqëri e përthithur nga Shoqëria “INTERNATIONAL PRIVATE SECURITY IPS” SHPK, do të priset pa likuidim duke kaluar plotësisht trashëgiminë e saj ekonomike, financiare dhe ligjore tek Shoqëria përthithëse, në gjendjen në të cilën ndodhet kjo trashëgimi në datën e realizimit përfundimtar të operacionit.
- Veprimet e kryera nga data 01 Prill 2022, sipas ligjit 9901 datë 14.04.2008 “PËR TREGTARËT E SHOQËRITË TREGTARE“ neni 215 e deri 225, do të konsiderohen në aspektin e kontabilitetit si të kryera nga Shoqëria që përfiton kontributet “INTERNATIONAL PRIVATE SECURITY IPS” SHPK.
- Data 31 Mars 2022, është data në të cilën janë hartuar llogaritë e Shoqërive “INTERNATIONAL PRIVATE SECURITY IPS” SHPK si Shoqëri Përthithëse dhe shoqërisë “BSS“ SHPK si Shoqëri të përthithura dhe janë përdorur Bilanci, Pasqyrat financiare, inventarët, gjendjet e tepericave debitoare e kreditore si dhe anekset e tjera të tij.

3. Pranimi i palëve për kalimin e pasurisë. Aktivitet dhe pasivitet (detyrimet) e parashikuara për tu bashkuar

Në kuadrin e këtij operacioni bashkimi parashikon që shoqëria “BSS” SHPK - si Shoqëri e përthithur, të transferojë (kalojë) shoqërisë “INTERNATIONAL PRIVATE SECURITY IPS” SHPK si Shoqëri përthithëse, tërësinë e elementeve të aktivitetit dhe të pasivitetit ashtu si rezultojnë në bilancin e datës 31.03.2022 .

Grupet kryesore të aktiveve dhe pasiveve të shoqërisë BSS sh.p.k në datën 31.12.2021, zërat e pasqyrave financiare të shoqërisë INTERNATIONAL PRIVATE SECURITY IPS në datën 31.12.2021 si dhe të dhënat e grupuara të dy shoqërive janë si më poshtë:

Pasqyra e Pozicionit Financiar	BSS Periudha Raportuese 2021	IPS Periudha Raportuese 2021	BSS + IPS Periudha Raportuese 2021
<b>AKTIVET</b>			
<b>Aktive afatshkurtra</b>			
Mjete monetare	2,471,052	17,648,635	20,119,687
Investime	-	-	-
Te drejta te arketueshme	7,442,524	59,727,095	67,169,619
Inventaret	-	-	-
Shpenzime te shtyra Te arketueshme nga te ardhura te konstatuara	-	174,280	174,280
<b>Totali i aktiveve afatshkurtra</b>	<b>9,913,576</b>	<b>77,550,010</b>	<b>87,463,586</b>
<b>Aktive afatgjate</b>			
Aktive afatgjate financiare	5,400,000		5,400,000
Aktive afatgjate materiale	1,920,519	10,594,721	12,515,240
<b>Totali i aktiveve afatgjata</b>	<b>7,320,519</b>	<b>10,594,721</b>	<b>17,915,240</b>
<b>TOTALI I AKTIVEVE</b>	<b>17,234,095</b>	<b>88,144,731</b>	<b>105,378,826</b>
<b>DETYRIMET DHE KAPITALI</b>			
<b>Totali i detyrimeve afatshkurta</b>	<b>19,108,869</b>	<b>21,520,424</b>	<b>40,629,293</b>
<b>Totali i detyrimeve afatgjata</b>	<b>-</b>	<b>-</b>	<b>-</b>
<b>Detyrime totale</b>	<b>19,108,869</b>	<b>21,520,424</b>	<b>40,629,293</b>
<b>Totali i kapitalit qe i takon pronareve njesise ekonomike</b>	<b>(1,874,774)</b>	<b>66,624,307</b>	<b>64,749,533</b>
Interesa jo-kontrollues	-	-	-
<b>Totali i kapitalit</b>	<b>(1,874,774)</b>	<b>66,624,307</b>	<b>64,749,533</b>
<b>TOTALI I DET. DHE KAPITALIT</b>	<b>17,234,095</b>	<b>88,144,731</b>	<b>105,378,826</b>

Në datën e bashkimit efektiv, 30 shtator 2022, këto të dhëna do të përditësohen me transaksionet që mund të zhvillohen gjatë periudhës janar-qershor 2022. Vlera e aktiveve neto do të bashkohet kapitalit të shoqërisë përthithëse.

4. – Modalitetet. Raportet e këmbimit të aksioneve apo kuotave. Kushtet e ndarjes. Të drejtat që rrjedhin nga kuotat në shoqërinë përthithëse.

Përkundrejt kalimit të aktiveve në shoqërinë përthithëse “INTERNATIONAL PRIVATE SECURITY IPS“ SHPK, Ortakët e shoqërisë „BSS“, z.Shkëlzen Shahu dhe z.Besim Sakajani, meqënëse janë dhe ortak në shoqërinë përthithëse si dhe në shoqërinë e përthithur, kërkojnë që kapitali i nënshkruar i të dy shoqërive të bashkohet në një, duke rritur vlerën nominale të kuotave

sipas raportit të deklaruar në shoqërinë „INTERNATIONAL PRIVATE SECURITY IPS“ para bashkimit.

Shoqëria „INTERNATIONAL PRIVATE SECURITY IPS“ SHPK gëzon frutet e kontributit të shoqërisë „BSS“ SHPK duke filluar nga data e realizimit të bashkimit në fjalë.

Para fillimit të procedurave të bashkimit, kapitali themeltar i shoqërisë „INTERNATIONAL PRIVATE SECURITY IPS“ SHPK është 100 000 lekë dhe mbas procedurës të bashkimit kapitali i nënshkruar bëhet 200 000 lekë, (i cili veç kapitalit të „INTERNATIONAL PRIVATE SECURITY IPS“ sh.p.k ka dhe 100 000 lekë të „BSS“ sh.p.k.

Pas përthithjes kemi një shoqëri të vetme „PËRTHITHËSE“ e emërtuar „INTERNATIONAL PRIVATE SECURITY IPS“ SHPK, ku vlerat në pjesëmarrje nuk kanë ndryshuar për sa i takon nr. Të kuotave dhe % respektive por kanë dyfishuar vlerat e tyre si më poshtë:

Nr.	Ortaku	Nr.Kuota	% kuota	Vlera para perthithjes	Vlera pas perthithjes
1	Shkelzen Shahu	1	40	40000	80000
2	Stefanos Papazois	1	10	10000	20000
3	Asterios Ntoumos	1	10	10000	20000
4	Besim Sakajani	1	40	40000	80000

## 5. Data kontabël

Ne aspektin e kontabilitetit të gjitha operacionet e veprimtarisë të kryera prej shoqërisë „BSS“ SHPK nga data 01.01.2022 e deri në datën e realizimit të bashkimit, pra data 01.04.2022 do të konsiderohen si të kryera nga shoqëria përthithëse „INTERNATIONAL PRIVATE SECURITY IPS“ SHPK dhe regjistrimet përkatëse kontabël do të merren në librat e saj.

## 6. Vlerat e parashikuara të primit

Të dhënat e shprehura në pikën tre më sipër të këtij projekt bashkimi, përdoren vetëm si referencë për aktivitetin e shoqërisë së përthithur. Të dhënat që do të konsiderohen si të detyrueshme dhe të aplikueshme në këtë procedurë bashkimi do të jenë ato që do të rezultojnë nga pasqyrat financiare të shoqërisë në datën 30.09.2022. Primi i bashkimit do të jetë ai që do të llogaritet mbi të dhënat që do të rezultojnë nga bilanci i lartpërmendur.

## 7. Të drejta dhe avantazhe të vecanta

Ky operacion bashkimi nuk do të përmbajë as të drejta dhe as ndonjë avantazh të veçantë.

## 8. Raportet

- Për të hartuar raportin e bashkimit të shoqërive, e kërkuar nga neni 217 i ligjit “Për tregtarët dhe shoqëritë tregtare” caktohet eksperti kontabël i autorizuar Z.Gentian Barjamaj, i cili do të bëjë edhe vlerësimin e këtij bashkimi me përthithje, sipas metodës së bashkimit të interesave të shoqërisë që do të përthithet “BSS” shpk dhe raportin për zmadhimin e kapitalit si pasojë e kalimit në favor të shoqërisë përthithëse “INTERNATIONAL PRIVATE SECURITY IPS ” shpk.
- Me përfundimin e raportit të paraqitur nga Audituesi Ligjor, z. Gentian Barjamaj, kjo marrëveshje dhe raporti i ekspertit do të miratohen nga Asambletë e Përgjithshme të jashtëzakonshme të Ortakëve të secilës shoqëri.
- Me përfundimin e raportit 1(një) muaj përpara mbledhjeve respektive të Asambleve të Përgjithshme të Ortakëve, kjo marrëveshje dhe raporti i miratuar i ekspertëve do të publikohen

në QKB sipas parashikimeve të nenit 218 të ligjit Nr. 9901, datë 14.04.2008 “Për tregtarët dhe shoqëritë tregtare”.

Kjo marrëveshje bashkimi hartohet e nënshkruhet në kushtin e varësisë së miratimit nga Asambleja e Përgjithshme e jashtëzakonshme e secilës prej shoqërive pjesëmarrëse pas datës 20.10.2022.

#### 9. Funksionimi i Shoqërisë Përthithëse “INTERNATIONAL PRIVATE SECURITY IPS” shpk.

Shoqëria “INTERNATIONAL PRIVATE SECURITY IPS” shpk do të vazhdojë të funksionojë sipas të njëjtit sistem organizimi e nomenklaturë me Aktin e themelimit, Statutin e saj, në të cilën janë theksuar:

- Emri i shoqërisë - “INTERNATIONAL PRIVATE SECURITY IPS SHPK.
- Selia - Selia e shoqërisë do të vazhdojë të jetë në adresën Rruga Industriale dytësore Tirane - Durres Km.1, Qendra Pajtoni, Kati 5, Tirane,
- Kohëzgjatja – E pakufizuar.
- Veprimtaria - Do të jetë e njëjtë me veprimtarinë e shoqërisë përthithëse para bashkimit.
- Administrator i vetëm do të jetë Besim Sakajani.
- Të gjithë kreditorët që rezultojnë si të tillë të shoqërisë që do të përthithet “BSS” shpk do të konsiderohen si të tillë, dhe detyrimet e tyre nuk do të çenohen nga kjo marrëveshje. Për të mbrojtur kreditorët e shoqërisë që do të përthithet “BSS” shpk, administratori i këtyre shoqërive do të lëshojë në emër dhe në favor të tyre një deklaratë me shkrim, me anë të së cilës pranohet se pasuritë e shoqërive do të administrohen në mënyrë të veçuar deri në përmbushjen e detyrimeve të të gjithë kreditorëve. Përfaqësuesit ligjorë të shoqërive që bashkohen, përgjigjen në mënyrë solidare për të gjitha dëmet e shkaktuara kreditorëve, si pasojë e pasaktësisë së deklaratës së përmendur në këtë pikë.
- Duke marrë në konsideratë faktin se të dy shoqëritë si ajo përthithëse dhe ajo e përthithur, kanë objekt të njëjtë veprimtarie kjo marrëveshje, por njëra nga shoqëritë nuk ka aktivitet, nuk është subjekt i klazuolave të ligjit Nr. 9121, datë 28.7.2003 “Për mbrojtjen e konkurrencës”, për të cilin kërkohet miratim në përputhje me kërkesat e këtij ligji, para bashkimit të shoqërisë.

#### 10. Pasoja për të punësuarit pas bashkimit.

Të gjithë të punësuarit në administratë apo puntorë të tjerë të shoqërisë së përthithur “BSS” shpk, do të vazhdojnë të punojnë në Shoqërinë “INTERNATIONAL PRIVATE SECURITY IPS” SHPK sipas një organizimi të ri, por nuk ka asnjë pushim apo pezullim nga puna për shkak të këtij bashkimi.

Hartuar në Tiranë , më 20 tetor 2022 \_\_\_\_\_

Për “BSS” shpk

Për Shoqërinë “INTERNATIONAL  
PRIVATE SECURITY IPS” shpk

ADMINISTRATORI

ADMINISTRATORI

(Z.Besim Sakajani )

(Z.Besim Sakajani )

